

**Uunga siunnersuut: 2024-mut aningaasanut inatsisissamut siunnersuutip, 2024-mut nuna tamakkerlugu akileraarutip aamma nuna tamakkerlugu immikkut akileraarutip akuersissutiginnissaanut killigitat sivitsorneqarnerat pillugit Inatsisartut inatsisaat nr. xx, xxx 2023-meersoq.**

(Aningaasaqarnermut Akileraartarnermullu Naalakkersuisoq)

### **Saqqummiussissut**

(Aningaasaqarnermut Akileraartarnermullu Naalakkersuisoq)

### **Siullermeerneqarnera**

Aningaasaqarnermut Akileraartarnermullu Ataatsimiititaliaq aningaasanut inatsisissamut siunnersuutip pingajussaaneerpeqarnissaa kinguartinneqassasoq qinnuiginnippoq.

Inatsisartut Naalakkersuisullu pillugit Inatsisartut inatsisaanni, ukiumut tulliuuttumut aningaasanut inatsisissaq kingusinnerpaamik 15. november akuersissutigineqartassasoq allassimavoq. Aammattaaq Akileraartarnermut inatsimmi allassimavoq nuna tamakkerlugu akileraarutip aamma nuna tamakkerlugu immikkut akileraarutip procentii kingusinnerpaamik 15. november annertussusilerneqartassasut. Ukiuni aggersuni akileraarutip procentii Aningaasanut inatsimmi aalajangersarneqassapput.

Inatsisissatut siunnersuutikkut siunertarineqarpoq, 2024-mut aningaasanut inatsisip akuerineqarnissaanut killigitap ulloq novembarip 24-anut sivitsorneqassasoq. Tamatuma saniatigut nuna tamakkerlugu akileraarutip aamma nuna tamakkerlugu immikkut akileraarutip aalajangiunnissaanut killigitataq ulloq novembarip 24-anut aammattaaq kinguartinneqarpoq. Inatsisissatut siunnersuut ukiup naanerani atorunnaassaaq, taamaalillunilu taamaallaat 2023-mi atuutissalluni.

Naalakkersuisut matumuuna siunnersuut Inatsisartunut kajumittumik suliassanngortippaat.